

南溪縣志
卷三



南溪縣志卷之三

風俗

鄉飲附

風俗之書與政刑共勒周官小行人適四方集之凡居陸居水皆所究心非徒採自輶軒陳由太史已也顧民俗之啟龐本土風之醕謹而欲樹之風聲必先納諸軌物善乎羅仲素之言曰有教化然後有士行有士行然後有風俗洵至論也邑舊稱經俗自明季遭殘土著僅十之一二其五民萃處者習尙半從其籍要其耕讀是務各安淳樸猶見道一而風同所謂修其教不易其俗

南溪縣志

卷三

風俗

一

齊其政不易其宜者夫非

大化之翔洽足上臻於隆古哉志風俗

人心淳龐民俗古樸

通志

士習

蜀自文翁興教風化幾同齊魯南溪於蜀隸東南隅魏晉唐宋間志乘無傳前明二百七十餘年中據今可考之數膺鄉薦者九十餘人登黃甲者二十餘人文章宦業忠義孝友猶昭昭在人耳目兵燹後故家舊族百無一存我

朝勞來撫綏方幸安集復遭吳逆叛康熙十九年始行恢復四十二年諸生郭維垣初膺鄉薦亦文教中剝復之會也自後士爭刻厲科名亦頗慶接薪其名教中說禮啟詩植綱常而飭簠簋者士林交重之至於寡廉鮮恥縱欲營私之流每不容於眾口云

農事

書作無逸詩陳豳風重農事也古者司徒定井牧匠人治溝洫縣師別田萊以及辨種秬修稼政趣耕耨懲惰遊無非加意農事耳邑境山多於田峻嶺夾溝之

中卽有沃壤一遇水潦禾稼盡爲淹沒其平原之地又少塘堰夏旱則難插秋旱則灘收然氣候較早於西北黍稷稻粱必因其土之性耕耘刈穫須協乎天之時其中勤惰旣分豐歉亦異大約土著之民多依山耕田新籍之民多臨河種地種地者栽烟植蔗力較逸於田而利或倍之然力田之子弟利微而不敢懈種地之子弟利厚而或易驕此又農事中本末之辨也

工役

周禮載考工九經來百工古者制器尙象以前民用百工之技原不可少邑之工役城鄉散處諺云一藝當三功故攻金攻木攻皮以及陶瓦刮磨織造設色之屬所在皆有計所獲之植自必倍於傭僱然承平日久踵事增華古者力勤守儉日用器具大都尙樸素不侈華囂但自日染文飾一切服物製器動以綺靡相誇匠石之精巧又轉相傳授愈出愈奇在所不免不知雕文刻鏤傷農事錦繡纂組傷女紅賤侈貴飾非法也盖工以造器器以適用惟取足於用可也

商賈

周禮太宰以九職任萬民一曰商賈所以阜通貨賄羨補不足也邑經兵燹後土著無多鄰省徙家流寓遂入籍貫其無恒產之民不能禁其不逐末以營生故行商坐賈積貨居奇所在多有但同度量鈞衡石角斗甬正權概禁其門囂止其競亂原有平市之法至山珍海錯靡麗奇裘舟車運載壟斷是登膏梁子弟競爲艷慕而布帛菽粟之風漸趨僭侈矜張之習則崇儉抑奢其道宜亟講焉

冠禮

古者男子二十冠而字今則不拘年齒於成婚前一日主人延集親友請鄉前輩之顯達者一人爲大賓儻相四人設冠席於東隅設賓席於西隅先以祝文告祖迎賓行三加禮大賓祝冠而命之以字冠禮畢行醮禮戚友各以花紅酒饌登堂致賀冠者先拜父母遍拜尊長畢設讌款洽曰飲富貴酒

婚禮

婚禮有六納采問名納吉納徵請期親迎是也南邑惟

不問名但浼媒氏求某家第幾女爲某第幾子配亦問名之意女家既許諾男父卽以名帖並豚肩束帛等物往拜俗謂插香亦納徵之意女父復以名帖荅拜俗謂換書將婚之歲男家先期備禮儀厚薄不等央媒請庚旋卜婚期先送報女家亦請期之意至親迎少有行者惟臨婚時男家再備儀物亦豐儉不等遣子弟嫻禮者二三人偕媒氏率鼓樂綵轎往迎謂之接親行奠雁禮畢女家亦以嫻禮子弟二三人導綵轎至壻門先送衣冠奩具拜納謂之裝郎引新婦

登堂拜天地次拜祖先次男女交拜謂之週堂以兩婦執燭引入室行合巹禮是日以喜讌款客次日拜舅姑及諸尊長或以巾履等物爲贄者更有自童時憑媒聯姻卽迎女過門俟成人卜期婚配謂之并長其禮少殺但絕無以財行聘者異省客戶間有之莫不嗤其無恥邑民雖貧不樂效也

喪禮

喪禮稱家有無大小二殮民間鮮行棺槨多用杉栢衣衾用綢緞布疋不等舊俗於葬前一日開奠無親疎

悉破布纏頭謂之散孝否則詆其吝率用僧道設靈不設主三年服闋設醮事謂之除靈士林中亦多能遵禮者而習俗牢不可破自乾隆五十年間士紳刊刻朱子家禮並繪服制圖布散懲警之舊俗漸改近俗凡喪四日成服訃告親友葬前一二日親友具賻儀致祭喪家以禮款之但服制以外者不加以帛設神主於葬期前或請官長或請鄉紳有名望者在家題主不詣塋地葬後三日率子孫墓祭謂之復三至畢七百期祥禫諸事雖未悉合家禮然較前覺爲不

變其有惑於風水久停不葬者人必指其不孝獨用浮屠設齋醮雖詩禮家尙多從俗未能驟革也

祭禮

士庶祭始祖遠祖僭也然禮緣義起誠敬與否存乎其人古人以四仲之月設祭南邑用俗節於新年清明則墓祭祭畢食祭餘而歸中元除夕則家祭俱焚楮賻俗云燒賻紙祖父生忌兩辰則在家饌祭亦有世家繁族立祠堂置祭田春秋二分合族設祭上分昭穆下別男女設饌出主迎神侑食至送神畢合族食

餽餘乃散禮雖無徵亦庶幾孝思之是展云

十二月村市節序賽會

正月立春先一日縣令率僚寀迎春於東關外祀勾芒春官着綵衣跳舞說吉利街市諸色人演高裝舞燭龍爲前導士女競觀如堵不啻終歲之勤一日之蜡本日鞭土牛至碎謂之打春其日宜晴農謠云打春晴一日農夫不用力

元旦男女皆蚤起肅衣冠陳香燭牲饌果酒於庭拜天地家神祖先卑幼尊長名曰拜年爆竹開門向吉

方拜禱名曰出行沿門投刺名曰賀新年至十五日
取門錢綵勝焚之名曰燒門丞紙其一日爲鷄二日
爲犬三日爲豬四日爲羊五日爲牛六日爲馬七日
爲人八日爲穀九日植竿燃燈謂之九皇燈至望日
爲上元道家以此日爲天官賜福之辰城鄉皆以紙
糊竹龍竹馬及魚蝦獅象燃燭其中鼓樂喧闐百劇
皆作謂之鬧元宵入夜後以米粉作團漬糖共中祀
天地家神然後男女合食謂之餉元宵

二月三日祀 文昌縣鎮村塾各釀金宴會是月開春

釀招客宴飲互相酬答謂之請春酒十五日爲花朝
月令廣義云唐宣德二年二月十五御製花朝詩賜
裴尙書又爲勸農日此夜不宜雨至春分日各祀先
於家其新籍之民有合族建祠迎主以祭者謂之春
祭

三月三日爲上巳辰至清明前後十日祭先塋修墓之
圯者男女攜小兒簪柳於頭攜壺掛紙食祭餘歸謂
之上墳清明日宜晴農家於春分日漬種七日落泥
七日晒芽故俗語曰泡春分晒清明

四月立夏日宜雨起東風主穀熟諺云立夏不下犁頭
高掛其小滿日尤忌晴有小滿不滿芒種不管之謠
五月五日爲天中節以箬葉裹糯米爲角黍親友互相
餉遺俗曰端午又曰端陽插蒲葉懸艾虎於門各家
飲菖蒲雄黃酒午後游郊外取百草煎湯澡身曰辟
毒剪綵組織爲囊盛香懸小兒衣背上曰辟兵古謂
是日爲惡日生子不舉今不復忌按角黍之設及龍
舟競渡所以弔屈原楚俗也蜀楚接壤俗相似今則
天下皆然其芒種日有雨主多蝗亦名迎梅雨主旱

諺云梅裏寒井底乾

六月六日爲天貺節晒書晒衣服祀楊四將軍

俗稱鎮江王爺

舟人尤極虔禱

是日宜晴小暑日亦宜晴逢雨則謂之倒轉

黃梅主水二十四日爲川主會祀蜀太守李冰及其

子二郎伏日忌西北風主秋稻糝冬冰堅諺云伏裏

西北風臘裏船弗通

七月七日子子作奎宿會是夕女子祀織女

俗稱牛女會期婦女

結綵縷穿七孔鍼陳瓜果於庭曰乞巧

自十三日至十五日爲中元節

又爲鬼節浮屠氏設盂蘭會各家具香燭楮賻酒饌

拜祭祖先俗稱七月半

八月白露日不宜雨稻沾之則粒粃蔬沾之則味苦

秋分日宜小雨天陰東南風主歲稔是日宜在社前
諺云分後社穀米遍天下社後分穀米上錦墩 立

秋五戌後爲秋社望日爲中秋節親友以瓜餅梨藕
相餽設酒食賞月少年取瓜塗五色鼓樂送艱嗣者
徹夜交馳最宜禁 二十七日祝

至聖先師聖誕瞻拜畢文人會飲祭餘

九月九日爲重陽節是日登高邑人士間有行之者各

南溪縣志

卷三

風俗

九

以糯米釀酒備來歲需謂之重陽酒 霜降日農人
滌耒耜藏於室謂之洗泥

十月朔日民間製紙衣冠衾履往墓間化之謂之送寒
衣是日祀牛神謂之牛王會蒸糯米擣糕飯牛並粘
牛角令其臨水照見則喜其酬力 立冬日遇西北
風主來歲大熟諺云冬前霜多來年蚤稻好冬後霜
多晚稻好 小雪日宜雪不宜雷諺云十月雷露白
雨來催

十一月朔日有風雨宜於麥 大雪日不宜值朔冬至

日日南至景漸長故曰長至各祀先於家士拜師傅
卑幼拜尊長曰賀長至

十二月俗稱臘月宜雪諺云若要麥見三白按禮傳夏
曰嘉平殷曰清祀周曰大臘秦曰臘臘者獵也田獵
取獸以祀其先也或曰接也新故相接以報功也
大小寒日忌風雨八日以魚肉菜蔬麵黍雜項會煮
曰臘八粥 二十四日爲王侯臘俗稱過小年先日
僧道送年疏至二十三四日燃䟽祭竈俗云餞竈神
上天自二十四日至除夕皆可祀先合家團鬪飲食
伯叔兄弟以次相招集飲曰吃年飯親友相過曰辭
年貼門神掛五色紙諸綵勝於戶凡牛馬廐猪欄鷄
栖倉籩耒耜之類皆貼紙錢滿貯水於甕儲新年飯
食男女圍爐達旦不時放爆竹曰守歲山農多以木
柴置門外元旦開門拾之曰有財

鄉飲

附

古制鄉飲酒禮其義有四周禮司徒職云以三物教萬
民而賓興之鄭元曰諸侯之鄉大夫正月吉日受法
於司徒而頒於鄉吏及三年大比而興其賢者能者

以賓禮禮之獻於王庭此則賓賢能鄉飲酒也又云五十者立侍六十者坐六十者三豆七十者四豆八十者五豆九十者六豆所以明養老正齒位此則黨正飲酒亦謂之鄉飲酒又有鄉大夫飲國中之賢者亦用鄉飲酒禮故王制云習射尙功習鄉尙齒蓋並鄉射黨正飲酒之法也周制鄉飲酒禮主人朝服就先生而謀賓介唐開元禮主人戒賓立於賓大門外之西東面賓立東階下西面將命者受命於賓出立於門之東西面曰敢請事主人曰某日行鄉飲酒之

禮請某子臨將命者入告賓出立於門之東西面北向再拜母辱主人答拜主人曰吾子學優行高應茲觀國某日展禮請吾子臨之賓曰某固陋恐辱命敢辭主人曰謀於父師少師莫若吾子賢敢固以請賓曰夫子申命之敢不敬須主人再拜賓拜主人退賓拜送主人戒介亦如之鄉飲酒義曰主人拜賓於庠門之外八三揖而後至階三讓而後升所以致尊讓也盥洗揚觶所以致潔也拜至拜洗拜受拜送拜既所以致敬也尊讓則不爭潔敬則不慢不慢不爭則

遠於鬪辯矣不鬪辯則無暴亂之禍矣斯君子之所
以免於人禍也故聖人制之以道鄉人士君子鑄於
房戶之間賓主共之鑄用元酒貴其質也教人不忘
本也牲用狗烹於東方祖陽氣之發於東方也羞出
東房主人共之也洗當東榮主人之所以自潔而以
事實也水在洗東祖天地之左海也賓主象天地也
介僕象陰陽也三賓象三光也讓之三象月之三日
成魄也四面之坐象四時也天地嚴凝之氣始於西
南而盛於西北天地溫厚之氣始於東北而盛於東

南主人尊賓故坐賓於西北而坐介於西南以輔賓
賓者接人以義者也故坐於西北主人者接人以仁
德厚者也故坐於東南而坐僕於東北以輔主人也
孔子曰吾觀於鄉而知王道之易易也飲酒之節朝
不廢朝暮不廢夕賓出主人拜送節文終遂焉知其
能安燕而不亂也

明制府州縣每歲正月十五日十月初一日於明倫
堂行禮以正官爲主位東南以禮致致士官員爲大
賓位西北擇年高有德之人或三人或一二人爲僕

賓位東北以次長爲介賓位西南以賓之次者爲三
賓位於賓介之後以教官爲司正以老成生員贊禮
前一日陳設坐次司正率執事習禮次日黎明宰牲
具饌主人率僚屬司正先至遣人速客客至出迎於
庠門外三揖三讓升堂拜訖就位司正至堂中北面
立賓主皆立皆揖執事者酌酒於觶以授司正司正
舉酒曰恭惟朝廷率由舊章敢崇禮教舉行鄉飲非
爲飲食凡我長幼各相勸勉爲臣盡忠爲子盡孝長
幼有序兄友弟恭內睦宗親外和鄉里無或廢墜以

忝所生讀畢司正飲酒畢以觶授執事司正揖賓僎
以下皆報揖司正復位賓僎以下皆坐執事者舉律
令案於堂中賓主皆拱立讀者詣案北面讀律令畢
復位執事者舉饌案至客前主人獻賓薦脯醢設折
俎賓酬主人如之獻僎介僎介酬皆如之訖工入歌
鼓瑟歌鹿鳴飲酒供湯工歌四牡飲酒供湯工歌皇
皇者華飲酒供湯笙入笙奏南陔又奏白華又奏華
黍詩歌魚麗笙奏由庚歌南有嘉魚奏崇邱歌南山
有臺奏由儀於是合樂奏關雎鵲巢又奏葛覃采芣

又奏卷耳采蘋每詩先歌首章飲訖乃徹饌賓主兩拜訖又賓僕介眾賓拜訖送賓三揖出庠門而退

國朝順治二年順天府詳查鄉飲酒禮舊制移送禮部題請通行直省府州縣每歲舉行設賓僕介主酒席於存留錢糧內支辦雍正元年

特諭鄉飲酒禮乃敬老尊賢之古制近聞年久視爲具文所備筵宴亦甚不堪應加謹舉行乾隆二年河南按察司隋人鵬奏請頒發禮節全圖議以所舉人員開具事實履歷由府直隸州呈司查考咨部備案各州

縣所舉人員不得瞻徇濫舉致干議例如有劣衿棍民鼓蕩脣吻誣讎良善者嚴法究治定於紳士中年高德厚者一人爲大賓士子中一人爲介賓庶人中數人爲眾賓乾隆十八年陝西布政司張若震條奏鄉飲酒禮則例部議題覆載入學政全書乾隆二十年禮部議奏直省鄉飲每年舉行二次儒學州縣秉公選舉具詳該管上司照京府例責成布政司核實報明督撫存案如不得其人卽詳明停止不得苟且塞責乾隆二十七年議准嗣後凡鄉飲賓內除貢

監生已經考職候選者准其照應選之職服用頂帽
補掛外其餘濫生用金雀頂青袍藍邊生員用銀雀
頂藍袍青邊至於耆民本無品級應穿用鮮明衣服
不得濫用金頂補服

禮節 凡鄉飲酒京府及直省府州縣每歲正月十五
日十月初一日於儒學行鄉飲酒禮前一日執事者
於儒學之講堂依圖陳設坐次司正率執事習禮至
日黎明執事者宰牲具饌主席及僚屬司正先詣學
遣人速賓僕以下比至執事者先報曰賓至主席率

僚屬出迎於庠門之外揖入主居東賓居西三讓三
揖而後升堂東西相向立贊兩拜賓坐執事者又報
曰僕至主席又率僚屬出迎揖讓升堂拜坐如前儀
賓僕介至卽就位執事者唱司正揚觶執事者引司
正由西階升詣堂中北向立執事者唱賓僕以下皆
立唱揖司正揖賓僕以下皆揖執事者以觶酌酒授
司正司正舉酒曰恭惟

朝廷率由舊章敢崇禮教舉行鄉飲非爲飲食凡我長幼
各相勸勉爲臣盡忠爲子盡孝長幼有序兄弟恭

內睦宗族外和鄉里無或廢墜以忝所生讀畢執事者唱司正飲酒飲畢以觶授執事執事者唱揖司正揖賓僕以下皆揖司正復位賓僕以下皆坐唱讀律令執事者舉律令案於堂之中贊禮引讀律令者詣案前北面立唱賓僕以下皆立行揖禮如前讀畢復位執事者唱供饌案執事者舉饌案至賓前次僕次介次主三賓以下各以次舉訖執事者唱獻賓主起席北面立執事斟酒以授主主受爵詣賓前置於席稍退贊兩拜賓答拜訖執事又斟酒以授主主受爵詣僕前置於席交拜如前儀畢主退復位執事者唱賓酬酒賓起僕從之執事者斟酒授賓賓受爵詣主前置於席稍退贊西拜賓僕主交拜訖各就位坐執事者分左右立介三賓眾賓以下以次斟酒於席訖執事者唱飲酒或三行或五行供湯又唱斟酒飲酒供湯三品畢執事者唱徹饌候徹饌案訖唱賓僕以下皆行禮僕主僚屬居東賓僕三賓眾賓居西贊兩拜訖唱送賓以次下堂分東西行仍三揖出庠門而退主府知府州知州縣知縣如無正官佐貳官代位

於東南大賓以致仕官爲之位於西北僎賓擇鄉里
年高有德之人位於東北介以次長位於西南三賓
以賓之次者爲之位於賓主介僎之後除賓僎外眾
賓序齒列坐其僚屬則序爵司正以教職爲之主揚
觶以罰贊禮者以老成生員爲之 律令凡鄉飲酒
禮序長幼論賢良別奸頑其坐席間高年有德者居
上高年淳篤者並之以次序齒而列其有違條犯法
者不許干與良善之席違者罪以違制敢有誼譁失
禮者揚觶者以禮責之

按古鄉飲禮四一則三年賓興賢能二則鄉大夫飲
國中賢者三則州長習射飲酒四則黨正蜡祭飲酒
鄉三年大比一行天子六卿升學士於天子諸侯三
卿升學士於諸侯鄉大夫爲主人又鄉簡不率教者
習鄉尙齒以化導之亦鄉大夫爲主人州一年再行
春秋以禮會民射於州序因而飲之州長爲主人黨
一年一行歲十二月大蜡祭以禮屬民飲酒於序以
正齒位黨正爲主人考周禮主人先朝服就先生而
謀賓介先生者古七十致仕老於鄉大夫曰父師士

曰少師教於鄉學名爲鄉先生知里人之賢故就謀之也賢者爲賓其次次賓其次眾賓賓無常數主人獻眾賓其長升拜受者三人故表爲三賓僕卽鄉之卿大夫士來助主人樂觀賓儀者禮注云或有或無或來或不來是僕亦無常數有則備無則缺可耳賓主共罇以人臣卑不專大惠故不設別罇也牲用狗取其有所守而善擇人也烹於東方以祖陽氣所以養賓陽氣長養萬物義周於老也朝不廢朝暮不廢暮旣朝而飲先暮而罷也其義則致尊讓致潔敬遠鬪辨免人禍其儀則象天地陰陽日月三光四時以至升歌三終樂奏三終間歌三終合樂三終樂備禮成自昔制禮精詳所以感人心維風化者典綦重矣

鄉

三饌

屬饌

二饌

東階

飲

一饌

五但

酒

魚

素

禮

大賓

二賓

西階

圖

三賓

發

南溪縣志

卷三

風俗

十九

田賦志

考禹貢之篇則壤成賦讀公劉之什徹田爲糧先王取
民有制參酌之道寓焉古稱蜀地肥饒沃野及於千里
抑第就成都迤西而言非盡概諸山陵林麓間也此田
惟下上厥賦下中三錯其釐定爲至審耳南邑百里膏
腴阡陌之交通亦足與川西埒然際

寬大之朝維正是供自履畝清丈後闢地盡利賦稅無加勞撫
字不勞催科凡飲和食德之儔極含哺鼓腹之樂夫孰
不踴躍輸將共納

南溪縣志

卷三

田賦

一

太平之稅哉志田賦

前明田賦舊額無考

國朝以來原額畝糧自康熙二年奉文清查起至雍正七
年徵輸止

上田每畝載糧三升

中田每畝載糧二升

下田每畝載糧一升二合

上地每畝載糧一升八勺七抄五撮

中地每畝載糧五合

下地每畝載糧三合

每糧一石徵糧銀九錢一釐三毫四絲八忽八塵六纖
每糧一石徵條銀二錢五分五釐八毫五絲八忽四微
六塵

每糧二石一斗四升六合二勺九抄五撮一圭二粒載
丁一丁

每丁徵銀二錢五分五釐八毫五絲八忽四微六塵
原載稅糧三千五十五石二斗五升五合三勺九抄七
撮九圭

原載人丁一千四百二十三丁五斗三合四勺六抄九
撮三圭一粒

原載丁條糧銀三千八百九十九兩七錢七分六釐九
毫五絲一忽六微一塵八纖

雍正七年奉文丈量

恩准部覆丁條糧合併積算按畝徵銀所有清查田地歷乾
隆至嘉慶九年徵輸止

藉田四畝九分不徵丁糧外

新舊墾輸

上中下田地共二千五百三十三頃三十一畝五分六釐三毫二絲二忽二微一塵六纖

上田九百三頃四十九畝九分二毫六絲五忽一纖

每畝徵丁條糧銀三分八釐二毫九絲二忽四微七塵七纖

應徵丁條糧銀三千四百五十九兩七錢二分一釐五毫六絲九忽一微七塵八纖

中田五百七十九頃八十四畝二分七釐五毫二絲六忽

每畝徵丁條糧銀二分五釐五毫二絲八忽三微一塵八纖

應徵丁條糧銀一千四百八十兩二錢四分一釐一絲七忽八微三塵七纖

下田六百五十四頃三十二畝四分九釐三毫五絲九微二塵六纖

每畝徵丁條糧銀一分五釐三毫一絲六忽九微九塵一纖

應徵丁條糧銀一千二兩二錢二分八釐九毫一絲四

忽一微八塵九纖

上地二十二頃六十九畝七分八釐三毫九絲

每畝徵丁條糧銀一分三釐八毫八絲一忽二塵二纖

應徵丁條糧銀三十一兩五錢六釐九毫二絲二忽五

微二塵一纖

中地七十三頃八十六畝七分二釐八毫八絲

每畝徵丁條糧銀六釐三毫八絲二忽七塵九纖

應徵丁條糧銀四十七兩一錢四分二釐六毫八絲六

忽七微五塵三纖

南溪縣志

卷三

田賦

四

下地二百九十九頃八畝三分七釐九毫一絲二微八

塵九纖

每畝徵丁條糧銀三釐八毫二絲九忽二微四塵八纖

應徵丁條糧銀一百一十四兩五錢二分六釐六毫八

微六塵三纖

現實徵丁條糧銀六千一百三十五兩三錢六分七釐

七毫一絲一忽三微四塵一纖遇閏加徵每兩該徵

銀二分九釐六毫四絲五忽二微七塵三纖三沙三

渺五漠七埃

一咸豐二年奉文奏准派捐津貼銀以濟軍餉每條糧銀一兩捐銀一兩隨糧徵收南邑每年共捐收銀六千一百三十五兩三錢六分八釐起運布政司庫聽候支撥一俟度支充裕卽行停止

雜稅

一額徵田房稅契連盈餘共銀六百六十八兩七錢二分五釐起運布政司庫收儲存留

一乾隆二十九年請領咸和號當帖一張在城開設當舖自乾隆三十年爲始每年照例納課銀五兩起運

布政司庫收儲

領支

一嘉慶七年新增

文昌宮春秋祭祀銀一十四兩又續增祭祀銀十九兩二錢在於鹽茶耗羨銀內請領支給

一每於會試之年如有文武舉子進京應試例得支給盤費銀四兩六錢

存留

一本縣春秋二祭

聖廟及山川社稷各壇祠祭祀銀一十六兩又續增

武廟春秋祭祀銀一十六兩內酌撥銀二兩致祭厲壇

一本縣廩生原額二十名每名歲支餼糧銀三兩二錢
共銀六十四兩遇閏每名加銀二錢六分六釐六毫
六絲六忽六微六塵四纖

歲支

一本縣知縣一員歲額俸銀四十五兩額設衙役三十
名內門子二名皂隸一十三名馬快八名轎傘扇夫
七名每名歲支工食銀六兩共銀一百八十兩改設

南溪縣志

卷三

田賦

六

件作二名每名歲支工食銀六兩習學件作二名每
名歲支工食銀三兩共銀一十八兩設立民壯八名
每名歲支工食銀八兩共銀六十四兩設立看守門
軍四名每名歲支工食銀六兩共銀二十四兩額設
禁卒十名更夫八名每名歲支工食銀六兩共銀一
百八兩又添設捕役二名每名歲支工食銀六兩共
銀一十二兩設立斗級二名倉夫四名每名歲支工
食銀六兩共銀三十六兩又設立縣屬底鋪涼亭洗
馬石橋高店瓦子龍華觀音新添牟停裴石共十一

鋪共設立鋪司兵二十三名每名月給工食銀五錢
歲共支銀一百三十八兩又縣屬鷺鷥灘九龍灘銅
鼓灘共設救生船二隻輪流應用水手一十二名內
六名止支春冬二季共銀二十一兩六錢其餘六名
四季全支每名月給工食銀六錢共銀四十三兩二
錢全支半支共銀六十四兩八錢遇閏照數加增
一本縣典史一員歲額俸銀三十一兩五錢二分額設
衙役六名內門子一名皂隸四名馬夫一名每名歲
支工食銀六兩共銀三十六兩

一本縣教官二員每員歲支俸銀四十兩共銀八十兩
額設衙役四名內門斗二名膳夫二名每名歲支工
食銀六兩共銀二十四兩

一孤貧口糧歲無定額現支銀二十一兩三錢

以上存留祭祀官俸餼糧歲共支銀二百五十二兩
五錢二分衙役件作民壯門軍禁卒更夫捕役斗級
倉夫鋪司僮夫水手孤貧歲共支銀七百二十六兩
一錢共銀九百七十八兩六錢二分嘉慶四年欽奉

諭旨應支各款在於本縣地丁銀內扣留支給年中造冊奏

銷所有存剩丁條糧銀五千一百五十六兩七錢四分七釐七毫一絲一忽三微四塵一纖起運布政司
庫收存聽候撥支

戶口志

周禮萬民之數大司徒掌之司民登之自生齒以上皆書於版歲獻於王登諸天府凡以重邦本也矧民事爲庶事所從出國以建典家以立度修五禮而措九刑徐幹中論之詳矣南邑經明季兵燹戶口幾同星居我朝休養生息二百餘年蕃衍稱極盛焉雖小醜跳梁間有流離而凱歌一奏瘡痍旋復計帳編氓實漢唐未有視彼張袂成陰揮汗成雨臨淄三萬戶不足誇美於前也

志戶口

前明人丁舊額無考

國朝以來陸續奉行清查至雍正七年徵輸止報部承糧花戶萬國甯等二千五百一十一戶又自乾隆年間陸續奉行清查至乾隆六十年徵輸止報部新舊承糧花戶一萬四千五百四十五戶共男婦六萬二千零七十三丁口至嘉慶十五年奉行清查報部實在新舊承糧花戶三萬四千七百一十四戶共男婦十萬零九千五百七十三丁口至十七年報部實在新舊承糧花戶三萬五千一百七十戶共男婦十一萬一千五百九十三

丁口現在同治十三年報部實在新舊承糧花戶三萬五千七百五十八戶共男婦十一萬三千九百三十九丁口自康熙五十年欽奉

恩旨徵收丁糧但據康熙五十一年丁冊定爲常額續生人丁永不加賦

鹽法志

鹽之爲利由來尙矣資天地之產惠天地之民故煮海可成者亦引池可化自管仲謹鹽筴而國以富强劉晏官鹽鐵而用益饒足鹽屯鹽籌之制皆佐賦安邊之需取用甚宏是以代有權法也蜀曰形鹽掘井以出方之煮海引池固勞逸遠甚且南邑非產鹽之區銷引採配遠在犍爲以水路轉運而來民無食淡之苦謂非裕國通商洵能兩全無弊乎書曰懋遷有無化居此物此志也志鹽法

縣屬並無鹽井鍋竈於雍正八年欽奉

上諭事案內雍正八年爲始請增水引二十張陸引二百三十七張

一飭行事案內雍正九年爲始請增水引九張

一鹽井見鹹權課增引事案內乾隆六年爲始請增陸

引二百五十張

一請增鹽引以敷民食事案內乾隆六年爲始請增水

引十二張陸引三百張

一敬陳積引之累等事案內乾隆八年爲始請撥仁壽

縣陸引一百二十五張

一新井見鹹權課增引事案內乾隆十八年爲始請增水引十六張

一新井見鹹權課增引事案內乾隆二十四年爲始請增水引八十張

一新井見鹹額井添鍋詳請權課增引事案內乾隆二十八年爲始請增水引十二張

一額井添鍋詳請權課增引事案內乾隆三十六年爲始請票改水引二十張

一報明鹽井見鹹詳請權課增引事案內乾隆三十八年爲始請增水引二十二張

以上額行水引一百九十一張每張徵正稅銀三兩四錢零五釐共銀六百五十兩三錢五分五釐陸引九百一十二張每張徵正稅銀二錢七分二釐四毫共徵稅銀二百四十八兩四錢二分八釐八毫

二共應徵鹽課正稅銀八百九十八兩七錢八分四釐又行犍爲縣水引一百九十一張每張徵羨餘銀二兩

二錢九分五釐共銀四百三十八兩三錢四分五釐

每張徵截角銀六錢共銀一百一十四兩六錢

又行犍爲縣陸引七百八十七張每張徵羨餘銀一錢
八分三釐六毫共銀一百四十四兩四錢九分三釐
每張徵截角銀四分八釐共銀三十七兩七錢七分
六釐

又行犍爲縣請撥仁壽陸引一百二十五張每張徵羨
餘銀一錢二分七釐六毫共銀十五兩九錢五分每
張徵截角銀四分八釐共銀六兩

二共應徵鹽課羨截銀七百五十七兩一錢六分四釐

以上行銷水陸引張在犍爲縣屬之永通廠採配徑由
四望犍爲兩關驗明截角運回本邑發賣共應徵鹽
課正稅羨餘截角銀一千六百五十五兩九錢四分
八釐現今照例納課並未奉文增減俱起運鹽茶道
庫收儲

茶法志

權茶始於唐至宋以爲籌國備邊之要法誠美焉蜀之茶見於王褒僮約陽武買茶之語華陽國志亦云什方縣山出好茶蜀茶之珍於世固已久矣前明陝以西川以南置茶馬司各一猶周唐時回紇入貢以馬易茶故事今則幅員萬里邊疆腹地茶引一例通行迥非勝國所可同語南溪雖不產茶第額引有頒課稅無缺上以裕

國下以通商亦因民之利爲利也志茶法

縣屬地方並未產茶亦無設官經理等事我

國家辦理章程乾隆十七年爲始懇准充商裕課便民事案內請增茶腹引四十張乾隆二十九年爲始通飭酌增茶腹引張事案內請增茶腹引二十張嗣又奉通飭酌增茶腹引張事案內派增茶腹引四十張共行茶腹引一百張定地赴邛州名山採配運回本邑發賣經過之處並無關隘盤查

每張徵權課銀一錢二分五釐共徵權課銀十二兩五錢每張徵稅銀二錢五分共徵稅銀二十五兩每張

徵羨餘銀九分八釐截角銀一錢二分共徵羨截銀
二十一兩八錢共應徵權課正稅羨截銀五十九兩
三錢

又奉發隨引照票十張每張遵議徵收市平息銀一兩
零八分共應徵票息銀十兩零八錢以上現今照例
納課並無加減俱起運鹽茶道庫收儲

倉儲志

歷代倉儲之法權輿於魏相李悝穀賤則增糴穀貴則減糴無甚貴甚賤之傷而農民均蒙其利漢耿壽昌之設常平師此意也然猶藏之州縣恩半及乎市井惰游至隋長孫平建議當社共立義倉唐武德中遂有社倉之建宋朱文公亦奏置社倉襲其名而畧變其法夏貸冬收人甚便之迄元明皆遵行焉我

國家

列聖相承軫念民依足民之道至周且備凡前代歷設倉儲莫

不畢建有備無患雖凶歲不能爲災云志倉儲

常平倉額儲倉斗穀一萬零四百九十石

監倉額儲倉斗穀一萬五千三百六十石

外加儲採買倉斗穀一萬四千一百五十石

道光七年奉文糶賣倉斗穀一萬二千石

咸豐三年奉文糶賣倉斗穀一萬四千石

咸豐七年奉文糶賣倉斗穀八千四百石

現在常監倉內實儲倉斗穀五千六百石

社倉額儲倉斗穀二萬四千五百一十五石零六升四

合

咸豐元二三年知縣陳价藩糶賣倉斗穀九千一百零三石一斗提追尙未賠還

十一年知縣陳錦文因滇匪竄擾調團防堵稟明動碾倉斗穀五千一百七十一石七斗六升三合五勺議由紳糧彌補卽於是年按糧攤還倉斗穀二百零五石零四合

現在社倉實儲倉斗穀一萬零四百四十五石二斗零四合五勺分儲四鄉責令社首經管

義倉年收市斗租穀一百五十八石於內撥給倉夫工食市斗穀五石截至同治十二年止應額存市斗穀五千一百七十八石

咸豐元年知縣陳价藩碾食市斗穀一百四十八石提追尙未賠還

十年知縣唐炯奉文糶解市斗穀一千一百零七石八斗二升五合

十一年知縣陳錦文代辦縣盧楸源共糶解市斗穀一千二百零五石零二升五合

同治三年知縣江懷廷奉文糶解市斗穀二百七十六石一斗五升

佃戶劉正才等自咸豐三年起歷年積欠市斗租穀九百四十石零四斗零九合五勺比追未繳

現在義倉實儲市斗穀一千五百石零五斗九升零五勺

蠲政志

施舍已責之文見於春秋此蠲貸之始也漢唐以來遂著爲令或除天下租賦或免天下租庸或蠲戶部逋賦史不絕書而特免四川夏稅至宋乾德始見元明於蜀中賦斂不急無名者時有蠲減我

聖朝厚澤深仁遍及海宇薄斂如川省猶疊荷

殊恩既除其半復賜以全行慶施惠有加無已邑以偏陬沃壤賦無積逋恭膺

寬大之典同沐

南溪縣志

卷三

蠲政

一

汪濊之恩飲和食德含甘吮滋熙皞之世不是過焉志蠲政

康熙二十五年奉

上諭湖廣福建四川貴州地方昔年爲賊竊踞民遭苦累今雖獲有甯宇更宜培養以厚民生四川貴州兩省所有二十六年應徵地丁各項錢糧俱着蠲免二十五年未完錢糧亦着悉與豁除

康熙三十二年奉

上諭廣西四川貴州雲南四省俱居邊地土壤磽瘠民生難苦與腹內舟車輻輳得以廣資生計者不同朕時切軫

懷歷歲以來屢施恩恤積欠錢糧俱經次第蠲豁茲念育民之道無如寬賦矧邊省地方非再沛優恤之恩則閭閻無由充裕所有三十三年四省應徵地丁銀米通着蠲免

康熙四十二年奉

恩詔雲南貴州四川湖廣四省俱屬極邊之地朕未經巡視數年以來又未曾蠲免錢糧宜更施恩澤四十三年四省應徵地丁各項錢糧通着蠲免

康熙四十九年奉

南溪縣志

卷三

蠲政

二

恩詔朕八齡踐阼之初

太皇太后問何欲朕對臣無他欲惟願天下治安生民樂業共享太平之福而已迄今五十年矣惓惓此心未嘗一日少釋每思民爲邦本勤恤爲先政在養民蠲租爲急數十年來除水旱災傷例應豁免外其直省錢糧次第通蠲一年者屢經舉行更一年蠲及數省一省連蠲數年者前後蠲除之數據戶部奏稱通共會計已逾萬萬朕一無所顧惜百姓足君孰與不足朝廷恩澤不施及於百姓將安施乎朕每歲供御所需概從儉約各項奏銷

浮冒亦漸次釐革外無師旅餉饋之煩內無工役興作之費因以歷年節省之儲蓄爲頻歲深解之恩膏朕之蠲免屢行而無國計不足之慮亦恃此經畫之有素也比來省方時邁已歷七省南北人民風俗及日用生計靡不周知而民生所以未盡殷阜者良由承平旣久戶口日繁地不加增產不加增日用不給理有必然朕洞矚此隱時深軫念爰不靳敷仁用甦民力明年爲康熙五十年思沛大恩以及吾民直隸奉天浙江福建廣東廣西四川雲南貴州各巡撫及府尹所屬除漕項錢糧外康熙五十年應徵地畝銀共七百二十二萬六千一百兩有奇人丁銀一百一十五萬一千兩有奇歷年舊欠共一百一十八萬五千四百兩有奇俱着免徵其餘應蠲省分次第施行

雍正七年閏七月奉

上諭數年以來甘肅四川雲南貴州廣西五省有用兵西藏及勦撫苗蠻等事其一應軍需皆動用公帑備辦秋毫不派及民間而糧餉轉輸亦有資於民力今藏地苗疆俱已甯謐朕心嘉慰特沛恩膏將庚戌年五省額徵地

丁銀兩概行蠲免

乾隆元年六月十三日奉

上諭朕聞四川敘州府屬之南溪縣直隸瀘州并所屬之納谿江安合江三縣及九姓長官司又敘永廳并所屬之永甯縣等處於本年三月初六夜偶遇風雹民間田苗屋舍多所傷毀此等被災窮黎深宜軫恤着戶部行文該撫楊馥將該地方本年應徵錢糧概行蠲免倘有已經完納者准抵明年應徵之項至前未完尾欠并令緩徵俟來年再令輸納以示朕惠養川民之至意

南溪縣志

卷三

蠲政

四

乾隆十一年奉

上諭四川雲南貴州等省應徵地丁錢糧通行蠲免餘省次第施行

乾隆十三年奉

上諭四川金酋不法大兵勦撫一切軍需皆動支國帑而轉粟飛芻不能不需用夫役借資民力所有十三年應徵地丁錢糧着緩徵

南溪地丁錢糧於十四年帶徵免十分之五在辛未年帶徵

乾隆三十一年奉

上諭四川省通行蠲免

乾隆三十五年恭逢

皇上六旬萬壽次年恭逢

皇太后八旬萬壽令各直省輪免稅糧

乾隆三十六年恭逢

皇太后八袞萬壽奉

上諭四川雲南貴州廣西等省應徵地丁錢糧俱着蠲免所有火耗銀兩一並緩徵

乾隆三十七年奉

上諭四川金酋不法兩路軍營現在分兵進討官兵停頓供

南溪縣志

卷三

蠲政

五

億動用官帑不累閭閻但小民轉運兵食頗為急公出力所有辦米辦夫等處額徵地丁錢糧分別煩簡等第酌行蠲免南溪地丁錢糧於三十七年免七緩徵三分

乾隆三十九年奉

上諭官軍乘勝進勦金川所需夫役倍多其節年踴躍急公等處分別等第酌行蠲免南溪錢糧於三十九年應徵錢糧徵半免半

乾隆三十九年又奉

上諭官兵經過之地所有四十年額徵地丁錢糧分別等第

酌量緩徵南溪地丁錢糧於四十年剩二緩分於四十年

徵帶

乾隆四十一年奉

上諭金川全境蕩平所有辦差等處額徵地丁錢糧分別酌免

乾隆四十二年為

聖母仙馭升遐推廣

慈仁以酬罔極特奉

諭旨將各省額徵地丁錢糧普行蠲免自戊戌年為始分年

輪蠲

南溪縣志

卷三

蠲政

六

乾隆四十三年

恩詔內開額徵正閏銀全行蠲免

乾隆五十五年恭逢

高宗純皇帝八旬大慶蒙

恩各直省應徵錢糧按年輪蠲南溪縣地丁正銀於五十八年全行蠲免

乾隆六十年奉

上諭丙辰元旦舉行歸政典禮將嘉慶元年各直省應徵地丁

錢糧通行蠲免

川省分作三年輪免南溪縣應徵錢糧列為第三次於嘉慶三年全數輪免

乾隆六十年又奉

恩詔川省向無積欠於歸政次年正賦再寬十分之二南溪應

免錢糧議列首次於嘉慶元年蠲免十分之二

嘉慶七年奉

上諭川省民間樂輸餉銀急公尙義實屬可嘉本年應徵地

丁錢糧分別蠲免南溪縣地丁錢糧

嘉慶八年奉

上諭川省民人情願續輸津貼以備賞需洵屬急公可嘉再

將嘉慶八年應徵地丁錢糧分別蠲免南溪縣地丁錢糧

三

南溪縣志

卷三

蠲政

七

二十四年恭逢

仁宗睿皇帝六旬大慶普免天下積欠因川省錢糧歷係年清
年款並無積欠可蠲照乾隆六十年成例寬免次年正
賦十分之二

物產志

易曰百穀草木麗於土書曰惟土物愛厥心臧則夫天之所生地之所長取不盡而用不竭者物曲之利實託命之原也惟是五方異宜舊有究四種幽三種豫并五種之別遷地弗良正不必強而同之矣邑素稱沃饒種植蕃茂匪但五穀之登歲致豐稔其他山林竹木疏果花卉之屬莫不敷華就實既阜既昌蓋貴五穀而賤金玉要惟使同貫利焉所以厚民生立國本也豈必如夏書所載璆鐵銀鏤砮磬熊羆狐狸織皮始足誇珍麗而

南溪縣志

卷三

物產

一

昭方物之盛哉志物產

穀之屬

宜有飯糯者宜酒

山稻

水稻

六十早

插禾後六

紅脚稻

禾俗名紅赤

廣早種自湖南來

黑節蘭

宜黑壤

花蘆早

馬尾粘

江

西早

種自江西來一

富人穀

計每畝

但多出眾穀

水淘白

米色白潔可以愛淘

三百蘭

每穗結實

以上飯稻

川主糯

六月二十日可穫

寸穀

鴨望糯

莖高而四尺許

名故

以上酒稻

麥之屬

大麥之古謂 小麥之古謂 穬麥 雀麥麥即燕 長鬚麥大即長芒

更 春蕎 秋蕎 苦蕎秋蕎二有紅花白種甜自苦二初種者

秋為燈者為菊蕎於

粟之屬

卜米黃有三赤種白 玉米俗名 高粱即蜀黍有白黃二黍一

糯名二種有稈 芝蔴沈存種中云張騫自西域得 蘇蔴

菽之屬

南溪縣志

卷三

物產

二

大豆 黑豆 藍豆 茶豆 蠶豆即胡 豌豆

豇豆 白扁豆 龍瓜豆 爬山豆 刀豆 菘

四季豆 猴子豆

泉之屬

火蔴 苳蔴 葛蔴 桐蔴黃蔴

蔬之屬

芥 菘 韭 葱 蒜 薑 芹 萊菹秦謂之菹 蘿蔔 蔥

有紅白二種爾雅葵蘆菹也說文

青菜 白菜 菠菜種出頗嘉陵國俗又語名訛為菠菜稜見

苦蕒菜 莧菜 野莧菜 枸杞 葵 牛皮菜 茄子

白二酪酥本草云一味相似也

蓬菜 甜菜 茼蒿菜 蓴菜 使西胡傳其種番椒 菌者大

名中馗有小者而常毒人物志菹草說之菹菜也祭之統屬水

菜 續博物志名菜出莖萬國有野莖百虫甫不詩近苦莖一種有針白毛

紅蘿菔 似菜而最甘 色 蔓 正爾雅釋芽生食之脆美似艾 蒟

蒟 滴生草苗一左思蜀芋都西賦其雜俎則有大蒟如蒟蒹至秋葉滴露通

志曰桑椹留以蜜藏而食之蒟味甚美以小蒟而醬之緣蒟為蒟其

誤者

南溪縣志

卷三

物產

三

蕨 郭註可初生 藿菜 儀禮公食大夫禮香禮交趾有葉也 又 蕕 爾

蕕似韭之菜儀禮士蕕菜南草木狀小蕕蓋籃菜

蕕之屬

絲瓜 冬瓜 南瓜 苦瓜 菜瓜 生即甜瓜 白如拳 又蔓

謂之花瓜 蒨茹 博雅即王瓜也 禮生月地瓜 寸蔓生山原如圍

實秋冬結 西瓜 昆侖瓜 子別名茄 匏瓜 瓜史明則天官大書熟匏

匏也 星 瓠 瓠 曰有匏甜苦頸二大腹可剖作瓠瓢性甘匏性苦 上 黃

瓜 越初瓜即熟 黃古名 扁蒲 瓠俗呼 番藷 白種二日故本國來有紅

莖作種遍米地穀傳生 芋 駭人故謂有水芋旱續二博物說志芋大以實十根

二子爲衛合十
二月之數也

果之屬

桃李杏柿梅梨栗櫻桃棗柑

橘柚林檎香緣佛手柑石榴枇杷核

桃白果落花生葡萄芡實菱角藕木

瓜

木之屬

松栢杉楠皂莢桑柘榆楊俗名楊柳

桐梧桐槐椿麻柳絲栗合歡樹俗名夜合黃

南溪縣志

卷三

物產

四

楊冬青黃葛見寰宇記號嘉樹蜀中處處有之

械俗名青桐有黑皮二種紅豆子名相思

竹之屬

慈竹水竹苦竹斑竹紫竹刺竹黑竹

棕竹白甲竹箭竹

花之屬

蓮蘭梔子有二種大小繡毬梅牡丹菊芍藥

紫薇賽蘭即珍珠蘭亦紫荊木槿有二種紅白海棠

乃花木名記出凡新羅木國之名也海按者孫長民海外來記青蓮棠花有甘海棠

沙棠梨花非海棠色黃貼海棠花小
垂絲海棠皆紅色皆無子亦非真海棠
蕊如金粟中有紫鬚長寸許淡紫色或
中二月開花其蒂長寸許淡紫色或
也

薔薇 山茶 茉莉 西番 蜀葵 金錢 百合

粉團 鷄冠一名洗手花 滴滴金 碎剪羅 石榴 杜鵑

即俗稱紅山 蠟梅 百日紅 辛夷 鳳仙俗名指甲花 秋葵

胭脂 玉簪 水仙 芷 芙蓉有二種水木 絳桃 碧桃

芭蕉 蕙 桂有一金名木犀 年景 金絲 月季 茶

藤

南溪縣志

卷三

物產

五

草之屬

虎耳 鳳尾 馬鞭 龍鬚 萱宜一名忘憂今鹿葱 萍

艾 茅 蘋 藻 燈草 蘆 蒲 蕨

藥之屬

香附 木通 車前子 茱萸 牽牛 牛膝 澤蘭

史君子 麥門冬 紫蘇 石菖蒲 荆芥 苦楝子

薄荷 苦參 木鱉子 巴豆 千里光 何首烏

桑白皮 金狗毛 龍胆草 夏枯草 南星 金銀

花 罌粟 五倍子 槐子 川芎 苦黃連 花椒

當歸 一枝箭 五加皮 半夏 葦麻 青藥

毛之屬

馬 牛 羊 猪 犬 猫 驢 騾 兔 狐 猴

野猪 九節狸 獠猪

羽之屬

鷄 鵝 鴨 野鳧 畫眉 雉 野鷄 鵲 鳩 燕

鷹鳩即鷓 鷗水俗鳴名 鷺俗一名春鉏 秧鷄 麻雀 鴉純有黑二反種

哺不者謂之鳥謂小之而腹下 白頭翁 布穀鳩即鳴 偷倉 鶯

倉即庚曰鸛黃又鳥曰 鵙即伯勞 又 杜鵑字一稱帝子於規蜀華陽有國水志災

南溪縣志

卷三

物產

六

其相子規明鳥決鳴玉故壘蜀山人以聞除害帝思遂之委異以物政志隱一西山雋時周適

口自呼小冠謝豹望帝鳴杜宇啼所達也惟食如雀鷄而色為巢黑居赤

他巢生農子田家候

喜鵲一觀名在鳩雲漢武泉帝下造鳩鵲鵲周陸佃冬官鸛兒鵲剔不其踰

舌端教名以八語哥也甚 鸛水鳥俯鳴則陰仰鳴 鶴相鶴而遊於陽陰鳥

行必依洲渚止不集林鶴千華則云變蒼又上二風千歲承則下變風

古所謂之仙元鶴也 鷓爾雅釋鳥一鷓水鷓老者鴉不生自卵而也

孕蜀人以 鷓穀鷓又復為子鷓鷓此變鷓也為布 鷓陸合凡鳥皆性

鵝雄乘唐明皇呼以飛乘蜀逐人多子畜又之名 竹鷄 魚虎名亦

俗名狗打魚郎魚師

鱗之屬

鯉有赤白黃三種 鱗西陽雜俎 家以魚王變為龍小脊旁皆

鯁 鯰 鯽 鯽 鯽 青鱒 細鱗 巖鯉 江團 辣

子 黃頰 鱣三尺上大兩不聲過三雅指亦鱣與長不通過

介之屬

螺 蚌 蝦 鼈 龜 蟹

蟲之屬

蠶 蜂 蠅 蝶 蛙 蟬 蛇 螳 螂 螢 蝙蝠

南溪縣志

卷三

物產

七

螻 蟻 壁 虱 蜥 蜴說文在壁曰蜥 蜈 蚣 蜻 蜓

蜘蛛 蚯蚓 蝌 蚪 蚱 蜢 鳩 掇俗名竈馬又名竈

微如曰 蟋 蟀即趣織似蝗而小正黑有光澤

貨之屬

麻有黃苳 油有菜茶桐麻 糖有黃白 布 棉花 石炭

木炭 燈草 絲 葛 煙草一名淡巴菰 甘蔗說文

南都賦蔗薑蟠注多甘蔗也取